


Tha an learg dhearg, mar a tha mòran eòin uisge eile, a cheart cho math air snàmh fon uisge is a tha i air uachdar. Gu dearbha, tha e nas fheàrr dhaibh a bhith snàmh len casan mòra goirid, a tha cho freagarrach airson sin, na tha iad airson a bhith a' coiseachd air tìr. Coimhead ri casan bheathaichean eile. Ciamar a tha iad freagarrach airson an seòrsa beatha a th' aca? Nuair a tha leargan a' suirghe bithidh iad uaireannan a' sealltainn do chèile cho math is a tha iad le bhith a' ruith air uachdar an uisge 's a' dèanamh tòrr stealladh. 'S àbhaist do leargan a bhith a' neadachadh ann an lochan ciùin, aonranach

## learg dhearg



Chan eil lòin-chraois a' fuireach ach ann am fìor-uisg' a-mhàin. Tha an fheadhainn òga a' cur seachad a' gheamhraidh nan nymphs a tha nan clàbaraichean air a' ghrund. Uaireannan gluaisidh iad gu math luath le bhith a' spùtadh uisge as an dèidh. As t-earrach bithidh iad a' tighinn gu uachdar an uisge agus a' tionndadh nan lòin-chraois le dà phaidhir sgiathan agus trì earbaill.

Tha iad gu math beothail aig dol fodha na grèine agus chan eil iad fada gus am brid iad agus gum breith iad an uighean air an uisge. Tha an fheadhainn fireann a' bàsachadh goirid an dèidh dhaibh brìeadh agus tha an fheadhainn bhoireann a' breith an uighean anns a' bhad agus tha iad a' bàsachadh an taobh a-staigh dhà no trì làithean.



## sùil cuileag

Tha iomadh sùileag eadar-dhealaichte ann an sùilean tarbh-nathrach. Tha mu 30,000 pàirt anns gach sùil agus tha seo a' toirt fradharc math dha-rìribh do na meanbh-fhrìdean sin airson mothachadh do rudan a tha a' gluasad ceithir thimcheall orra. Tha seo cuideachd ga dhèanamh doirbh do bheathaichean eile greim fhaighinn orra.

Dè cho fada timcheall 's a chì thusa gun do cheann a ghluasad?